

Namminersornerullutik Oqartussat umimmaat piniagaanerat pillugu nalunaarutaat nr. 7, 8. februar 2001-imeersoq Atuuissimasoq (Historisk)

Piniarneq aallaaniarnerlu pillugit inatsisartut inatsisaanni nr. 12, 29. Oktober 1999-imeersumi § 2, imm. 3-4, § 4, §§ 7-8, §§ 12-13, § 16, § 17, imm. 2 aamma § 18 malillugit aajangersarneqarput:

Atuuffii

§ 1. Una nalunaarut atuuppoq umimmaat (*Ovibus moschatus*) Kalaallit Nunaanni killilersukkamik piniagaaneranmut.

Imm. 2. Eqqissisimatitsineq, inuussutissarsiornermut sunngiffimmilu piniartunut pisassiisarneq aammalu akiliilluni piniartitsinerlut pisassiissutit, nunat piffissallu umimmanniarfiussat aamma piniariaatsinut tunngasut Namminersornerullutik Oqartussat umimmaat eqqissisimatitaanerak pillugu nalunaarutaanni aalajangersakkat malippaat.

Imm. 3. Inuussutissarsiornermut naalakkersuisup imm. 2-mi nunat piffissallu piniarfissatut aalajangikkat agguataaqqissinnaavai. Nunanik piffisanillu piniarfissanik agguataareqqinneq pisinnaavoq Piniarneq Pillugu Siunnersuisoqatigiit aamma allat attuumassuteqartut isumasioreerlutit.

Imm. 4. Akiliisitsilluni umimmanniarnermi Namminersornerullutik Oqartussat akiliisitsilluni aallaaniarneq aalisarnerlu pillugit nalunaarutaanni aalajangersakkat malippai.

Pisassiissutiniq agguassineq

§ 2. Piniarneq Pillugu Siunnersuisoqatigiit inassuteqarneratigit Inuussutissarsiornermut naalakkersuisup Kangerlussuup eqqaani umimmattassatut aalajangikkat kommuninut sumiiffinnulluunniit kommunit aggornerisa avataaniittunut agguaatissavai.

Imm. 2. Inuussutissarsiornermut Pisortaqarfiup Ivittuut kommuniani, Ittoqqortoormiit kommuniani aammalu Qaanaap kommuniani kommunalbestyrelsit inassuteqarneratigit pisassiissutigineqartut kommuneni pineqartuni inuussutissarsiuutigalugu aamma sunngiffimmi piniartunut agguaatissavai. Ivittuut kommunianut tunngatillugu tassani kommunalbestyrelsi kommuninut aamma kommunit agguataarnerisa avataaniittunut, pisassiissutiniq agguassissaaq pineqartuni kommunalbestyrelsi bogerrådiluunniit isumasioreerlugu.

Imm. 3. Ukiumut pisassiissutit piumasaqaatillu taakkununga tunngasut tusagassiuutigut nunamut tamarmut annguttartutigut avammut tusarliunneqassapput umimmanniarnissaq sioqqullugu.

Akuersissutiniq tunniussineq

§ 3. Kangerlussuup eqqaanut, Ittoqqortoormiit kommuniannut pisassiissutigineqartut

piniarneqarnisaannut, tak. § 2, imm. 2-mi oqaaseqatigiit kingulliit, qinnuteqartunut atuuttumik piniarnermut allagartalinnut kommunimilu pineqartumi innuttaasutut nalunaarsorsimasunut kommunalbestyrelsi akuersissutinik tunniussissaaq.

Imm. 2. Sumiiffinni kommunit aggornerisa avataaniittuni qinnuteqartunut piniarnermut atuuttumik allagartalinnut tassanilu najugalittut nalunaarneqarsimasunut akuersissutinik najukkami borgerráði tunniussissaaq, takuuk § 2 imm. 1.

Imm. 3. Ivittuut kommuniani Qaanaallu kommuniani qinnuteqartunut piniarnermut atuuttumik allagartalinnut aamma Ivittuuni Qaanaamiluunniit najugalittut nalunaarneqarsimasunut kommunalbestyrelsi akuersissutinik tunniussissaaq. Kommunit allat, sumiiffiilluunniit kommunit aggornerisa avataaniittut Ivittuunit kommunianit pisassinneqarsimappata, pineqartuni kommunalbestyrelsi borgerráðiluunniit isumasioreerlugit kommunalbestyrelsi imaluunniit borgerráði akuersissutinik tunniussissaaq.

§ 4. Kommunimi inuussutissarsiutigalugu piniarnermut allagartalinnut qinnuteqartunut akuersissutinik tunniussinnermi sapinngisamik qinnuteqartut akuersissutinik amerlaqatigiinnik pissarsinissaat anguniarneqartassaaq. Tamanna pisinnaangippat akuersissutinik sinneruttunik agguaaneq makitsinikkut ingerlanneqassaaq.

Imm. 2. Sunngiffimmi piniarnermut allagartalinnut qinnuteqartunut akuersissutinik agguaassineq makitsinikkut pissaaq.

Imm. 3. Makitsinnermut atatillugu akuersissutinik agguaassisussaatitaasup utaqqisut allattorsimaffiat tulleríiaarinertalik pilersissavaa, taannalu atuutilissaaq akuersissutinik agguaasseqqinnermi, takuuk § 5, imm. 2.

Imm. 4. Makitsineq ingerlanneqassaaq innuttaasunit kikkunilluunniit malinnaavigineqarsinnaasumik.

§ 5. Akuersissutinik agguaassisussaatitaasup akuersissutit tunniunneqartut kingusinnerpaamik qaqugu aaneqareersimanissaat killilissavaa. Inuit akuersissummik tunineqarsimasut akuersissummilli atuisinnaangitsut imaluunniit aterusunngitsut piaarnerpaamik akuersissut atorineqanngitsoq akuersissutinik agguaassisussaatitaasumut utertissaavaat.

Imm. 2. Akuersissutit atorineqanngitsoortut agguateqqinneqassapput. Agguaasseqqinnerli piaarnerpaamik aatsaat pisinnaavoq umimmaniarnep uninnissaa sap. ak. marlunnik sioqqullugu, akuersissutinik pinissamik utaqqisut tulleríiaakkat allattorsimanerat malillugu.

Piniarnissamut piunasaqaatit

§ 6. § 3 malillugu akuersissutinik inuit pisimasut kisimik umimmassinnaapput.

Imm. 2. Akuersissut inummut atiatigut taasamut taamaallaat atuuppoq allanullu tunniunneqaranilu tunineqarsinnaanani.

Imm. 3. Akuersissut ataaseq ataatsimik umimmannissamut periarfissiivoq.

§ 7. Inuussutissarsiutigalugu umimmaniarnep akuersissummi allanneqarsinnaavoq umimmammik ilivitsumik, ilaanik, amianik, nassuinik il.il. tunisisoqarsinnaasoq uumasut nakorsa qarfianiit akuerineqarsimasumut neqileriffimmut imaluunniit tunitsivimmut.

§ 8. Aasaanerani ukiaanerani piniarnissamut akuersissutinik agguanneqarnerannut peqataasinnaassagunik qinnuteqaateqartut allagartaq ukiumi pineqartumi kingusinnerpaamik majip aallaqqaataani akilereersimassavaat.

Imm. 2. Piumasaqaataavortaaq sunngiffimmi piniarnermut allagartalik akuersissummik qinnuteqartoq qinnuteqarnermini 16-inik ukioqalereersimanissaa.

Kommuunit ileqqoreqqusaat

§ 9. Kommunalbestsyrelsi nalunaarummi §§ 7-8-mut piumasaqaatinit sakkortunerusunik kommunip maleruagassiaatigut piumasaqaateqarsinnaavoq. Kommunip ileqqoreqqusaa Naalakkersuisunut ilaasortamit atortussanngortinneqassaaq.

Nakkutilliineq

§ 10. Inuit § 3 malillugu umimmanniarnissamut akuerineqarsimasut, akuersissummut ilanngullugit umimmammut ataatsimut ikkutassanik ataasiarlugit atugassanik marlunnik, assigiinnik normulikkanik, tunineqassapput kingusinnerusukkut umimmattamut uppersarsaatit atugassanik.

Imm. 2. Umimmaap pisarinqarnerata kinguninnguatigut, kingusinnerpaamillu umimmak angallammut assartuissutissamut ikineqarpat, ataasiaannarlugit atugassat taakku quttoraanut qajannaatsumik erseqqissunngorlugillu ikkunneqassapput.

Imm. 3. Ataasiaannarlugit atugassat umimmammi ikkusimaannassapput tunineqarnissaata atorneqarnisaataluunnit tungaanut.

Imm. 4. Ataasiaannarlugit atugassat taakku tunniunneqartut atorneqanngitsoortulli piaarnerpaamik, kingusinnerpaamillu sap. ak. 3-t umimmanniarnerup uninnerata kinguninngua kommunimut utertinneqassapput. Taava kommunip piaarnerpaamik kingusinnerpaamilli sap. ak. 5-t umimmanniarnerup uninnerata kingorna ataasiaannarlugit atugassat atorneqanngitsoortut Inuussutissarsiornermut Pisortaqarfimmut nassiutissavai.

Imm. 5. Pisassiissutinik umimmattat tamarmik Piniarnej-mi pisanik nalunaarsuiffikkut nalunaarutigineqassapput.

§ 11. Kinaluunniit politiinit, piniarnermik aallaaniarnermillu nakkutilliisunit allanilluunniit Inuussutissarsiornermut Pisortaqarfimmit taamaaliornissaannut immikkut pisussaaffilerneqarsimasunit piumaffigineqaruni umimmanniarsinnaatitaanini uppersarsaqqullugu, taava piniarnermut allagartaq atuuttoq, umimmanniarnissamut akuersissut umimmattamullu nalunaaqutsiutassat takutissinnaasariaqarpai.

Pineqaatissiissutit

§ 12. §§ 6-7-mik, § 10, imm. 2-5 aamma § 11-mik unioqquitsinerit akiliisitsinermik pineqaatissiissutaasinnaapput.

Imm. 2. Neqi, ameq allallu umimmammeersut § 6, imm. 1 aamma imm. 3 unioqquillugu

umimmattameersut arsaarinnissutigineqarsinnaapput Naalagaaffiup karsianut iluaqutissanngorlugit.
Imm. 3. § 7 malillugu kommunip ileqqoreqqusaani kommunalbestyrelsi aalajangiisinnaavoq
maleruagassiamik unioqqutitsineq akiliisitsinermik kinguneqarsinnaasoq.

Atulersitsineq il.il.

§ 13. Nalunaarut una atuutilerpoq 15. februar 2001.

Imm. 2. Peqatigitillugu Namminersornerullutik Oqartussat umimmaat eqqissisimatitaanerat
piniagaanerallu pillugu nalunaarutaat nr. 11, 26. juni 1999-imeersoq atorunnaarpoq.

Namminersornerullutik Oqartussat, ulloq 8. februar 2001.

Simon Olsen

/

Jørn Birk Olsen